

1. 有句說話叫「乞兒ji1兜度搶飯食」，乞兒本身都已經好窮，仲要俾人搶走佢個兜啲飯，意思係比喻有啲人連咁弱勢嘅人都唔放過，要去剝削佢嘅。
2. 有個成語叫「知恩圖報」，意思係會將受過嘅恩惠銘記於心，一直搵機會要報答返人嘅。又有句說話係「滴水之恩，當湧泉相報」，意思係無論個恩惠係幾咁微小(一滴水咁小)，以後都會加倍報答。
3. 中國春秋戰國時代有一本專教人點樣打仗嘅兵書，叫《孫子兵法》，相傳係由孫武所寫，而孫武嘅專稱係孫子，所以本書叫做《孫子兵法》。
4. 要形容一個人好細膽，好易受驚，可以用「生人唔生膽」，意思係個人係就係長大咗，但膽量就有長大過。
5. 「串／寸」係指一個人態度唔好、招積、沙塵。可以做動詞，例如「佢好鍾意寸人」，亦可以做形容詞，例如「句句窒住晒，唔好咁串好啲。」
6. 所謂「男兒膝下有黃金」，係用嚟形容男性嘅氣慨，唔會咁輕易因為逆境而跪低求人。
7. 劉邦係中國漢朝嘅開國皇帝，又叫漢高祖，亦係中國史上第一個平民出身嘅皇帝。
8. 「將軍」除咗指軍隊嘅高層軍官，仲係中國象棋入面嘅一個術語。當隻棋下一步就會食到對手嘅「將／帥」(國際象棋中嘅國王)，而嗰隻「將／帥」已經走投無路，噏就可以噏「將軍」(即英文嘅“checkmate”)。喺日常生活中，呢個字都有一下就篤中人咁死穴，令對方冇得翻身嘅意思。
9. 故事中嘅少爺如果唔係嚇到手震腳震，應該一早著咗草喇。「著草」即係為咗逃避某啲具威脅性嘅人(例如債主、執法人員、仇家)而離開原本身處嘅地方，去第二度匿埋。「草」即係「草鞋」，係古時嘅人遠行時著嘅。
10. 做領袖要識得「知人善任」，即係可以因應某人專長加以任用，令佢發揮所長。如果一個人好有才能，但只能負責一啲小差事，冇機會發揮所長，噏佢就真係「大材小用」喇。
11. 形容人驚到震晒、手足無措嘅樣，可以用「發蹄騰faat3 ti4 tang4」，係源自英文“frightened”嘅音譯，例句有「個小朋友見到蜜蜂就驚到發蹄騰，攞住爸爸喊。」

by 綠柚子